

## Christliche Leichpredigt.

gen. Die bösen Exempel können es nicht verführen oder verderben/vnd die reizende lust kan das unschuldige Herz nicht verkehren. Es ist bald vollkommen worden / vnd hat viel Jahr erfüllet / hat das rechte ehrliche Alter erlanget/ so dabe stehtet in der himlischen Klugheit / vnd in einem unbeslecktem Leben.

Es ist das selige Adeliche Jungfräulein glücklichen in diese Welt geboren worden in diesem 1619. Jahre / am Ersten Sontag Trinitatis, den 30. Maij/auff den Abend zu Nacht vmb 11. Uhr. Als hierauff dem lieben Gott dafür hertzlich gedanket worden/ist es den vierdten Sontag Trinitatis , den 20. Junij zum Scharffenstein auff den Kirchsaal zum Sacrament der heiligen Taufse getragen worden / das es dem Sohn Gottes ist einverleibet worden/ vnd in das Buch des Lebens eingezeichnet. Ist ihr der Name geben worden SOPHIA, dadurch also gleich unwissend angedeutet/wie es in dieser Welt nicht lange bleiben würde / als die schon das rechte ehrliche Alter erlanget / die Klugheit / Denn SOPHIA heisset Klugheit oder Weisheit/ vnd daher zum Sterben zeitig vnd alt genug were.

Nach empfangener Taufse hat der liebe Gott seine Gnade vnd Segen geben/daz es mit dem seligen Kind sich zu guter Gesundheit angelassen/daz man vermeynet/ es würde der liebe Gott das lange zeit beständig darbey erhalten/vnd die Adelichen Eltern hie Frewde vnd Wonne an ihm haben. Aber da hat es sich bald gewendet / vnd Gott ein anzeigen geben/daz Ers wolle wegnemen/ zu

S iiiij

sich in

I. Nata, 30.

Maij.

2. Renata,  
10. Junij.